

Կ

ՎԱՀԱՆ ԱՂԱ ԳՐԻԳՈՐԵԱՆ, ԳԱՀԻՐԷՑԻ. — Վահան Աղա 1759 ին ուխտաւորութեամբ կ'այցելէ Ս. Յակոբի վանքը, նոյն ժամանակի Պոլսի փոխանորդը Թէոզորոս պարք. ին ուղղած նամակովը մասնաւորապէս կը խնդրէ որ բացառիկ պատուասիրութիւններ ըլլան յիշեալին: 1749ին կը վերաշինէ Գահիրէի Ս. Սարգիս եկեղեցին, ինչպէս յայտնի է հետեւեալ յիշատակարանէն.

«Շնորհիւ տն. Այ. և ողորմութեամբ նորին նորակերտեալ ի հիմանէ շինեցաւ սբ. Սարգիս Անուն եկեղեցիս, արդեամբք և ջանիւք ինքնին միայն տարապահանէճի Այվազ աղա կոչեցեալ Վահան աղային, որ բազում աշխատանքք պայծառակերտեաց զսա ի փառս Այ. և ի յօգուտ հաւատացելոց, յամի Փրկչին 1749 սկիզբն, իսկ ի մերն ՌՃՂՁ արդ խնդրի հարկիւ ի վայելողացդ գերախտիս բարեպաշտութեան սորա ոչ մոռանալով յիշել առ տէր ըզ ծնողս սորին ընդ իւր զսեռ Ամրակում պապի եւ զԳրիգոր զհայրն և զմահտեսի Ուսիւան մայրն եւ զմահտեսի Հոխիսիւնե կենակիցն, և ըզ հաճի Յակոբճան որդեակն և զհաճի Աննա դուստրն, և զուք յիշեալ լիջիք ի տէր»:

Հաննէ (էջ 208) կը գրէ թէ նախնիքներէ լսուած է որ Հայք Ս. Գերեզմանին արեւտեան կողմը իրենց սեպհական սեղան մը (Մնարքը) Ղպտոց տուած են փոխարէն եկեղեցիի մը. (հաւանաբար այս Ս. Սարգիս եկեղեցին) Գահիրէի հայ ժողովուրդին յատկացուած եկեղեցին է (այժմ քանդուած), զոր Վահան Գրիգորեան 1749ին կը նորոգէ:

ՎԱՀԱՆ ԹԷՔԷՆԱՆ, ՊՈԼՍԵՑԻ. — Ծ. 1878ին Պոլսի մէջ. աշկ. Պէրպէրեան և Կեղրոնական վարժարաններու. ութ տարի զբաղած է առևտրական գործերով Անգղիոյ, Ֆրանսայի և Գեր-